

# Commonwealth of the Northern Mariana Islands Joint Military Training Update



## FREQUENTLY ASKED QUESTIONS (FAQs)

### 1. **Meta ye ee siwel mellol aroongorong ye sangi 2015 iiye re aita bwe Draft Environmental Impact?**

Reel mille jaar training militod ye Marine Corp rekke mengii, nge ese weewe me meta re ghommwal iischii long loll jaar 2015 Draft Environmental Impact Statement. Ighila nge re mwuschel ebwe iisch long bwe essobw yoor training wool Paghang, me ressobw ayoora peyragh kkewe jaar iiwe eyoor bineno loll mewool Tchuliyol. Nge reel mille rekki mengi rebwe liweli ighila nge ese tolong bwe esemmwel rebwe yaaya bwolal pekk me ngere bwolal sikoki, me emmwel rebwe ayoora leliyel alongal sikoki. Bwal ighila nge remweuschel bwe ebwe mwoschomwosch sobw ye rebwe yaaya sangi 14 mwetetiww ruwoow. Ighila nge aara repiya bwe eghi rris bwe sibwe ghiisch fengal le yaaya faluw me meta kke rebwe bwal ayoora.

### 2. **Meta Department of Defense re liweli mengemengiir ngelir school militod bwe rebwe yaali wool Tchuliyol?**

Essogh meta International Security environment of the Western Pacific re liweli. Meta rebwe yaaya ighila nge a ghal ghiti tiw. Re amamaawa me atighitai llo sikoki me ngere waa kka rebwe fiyyow ngeliir aramas ye ee mengii ebwe ngow ngeli ghiisch. Ra urii ghatchul faluw ye Tchuliyol, alongal meta ee llo wool faluw me saat ye emmwel rebwe arisii me aghatchu bwe rebwe yaaya me bwal llo Pasifiko.

### 3. **Bwal meta mas re atolongow loll mille ebwe siwel?**

Llol mille re iischi nge Marine Corps emmwel ebwe ayoora jaar training wool faluw ye re ameew bwe faal ruwow train le pakk fetal iiye ello afang ffosch mwe wool Tchuliyol, rebwe bwal train wool faluw me ayella feteley waar sikoki me North Field, re ayoora seigh me eeluw ssobw kka ebwe llo sikoki wool, me bwal leliyer schoo kkal. Bwulul jaar re isaali bwe ebwe llo alongal milkkal me North Field nge bwe igha ressobw ayoora training me meta orol iimwer towap me bwal igha emmwel sibwe yaaya fengal saat me alongal peyragh kka sibwe aghatchu malwasch me bwal igha sibwe tori ssobw kka ello iimw me peyraghil ghera wool.

### 4. **Efaysul jaar Department of Defense rebwe aghuleya ngeli ghiisch bwe ee ghatch faluw me yaang reel jaar training.**

Aramas kka reghal angaang faal govt rebwe schuu me militod wool sobw kka re yaaya wool Tchuliyol. Schoo kkal nge re aytaar bwe Range Control, iir mille rebwe ghal schuu me titillap ngeliir militod bwe rebwe aghatchuw jaar ghal train me igha emmwel bwe aramasasch rebwe bwal yaaya ssobw me meta ye ello wele oroor. Ngere saat me faluw.

### 5. **Ngere Department of Defense rebwe feeru oraar yaal militod training nge ghal ileet me fal fitow?**

Ighila nge reghal iira bwe alongal jaar training me meta nge imwu Range Control rebwe tittillap ngeliir towap bwe rebwe pipiy ghatchuw ileta sibwe yaaya. Imwu rebwe bwal tittillap ngeliir mwoghasal Tchuliyol bwe rebwe ngere ileeta towap rebwe yaaya nge imwu ressobw ayoora training loll raalil kkaal.

**6. Afaysul yaar towlap rebwe ghuley ello iya ssobw kka yaar militod me ngere iya igha eghatch bwe rebwe tolong loll rebwe yaali?**

Imwu rebwe aroonga ngelir towlap ileta ghal yaar training imwu rebwe isali wow wool Fb, newspaper, radio me rebwe bwal isali arrongorong reel bwulasyiol Mayor mwu Tchuliyol. Re bwal mwuschel bwe rebwe roongorong mereer towlap ngere eghal yoor meta ow mengi bwe owbwe feeru loll raalil kka emwomwotto nge aghuleya ngelir schagh. School Range Control imwu rebwe ayoora arongorong me allughu ghatchuw alongal meta oroor bwe sibwe ghtach mewool.

**7. Efaysul Department of Defense ressobw ayoora long maal me alongal meta kka ese bwung me ese tooto me wol faluw ye Tchuliyol?**

Alongal meta kka rebwe atolongow nge eghi prisisu rebwe piipi ghatchuw. Rebwe piipiy me ammwela, rebwe aghasaghasa me rebwe kkabwung mereel. Ngere rebwe bwughito me bwughillo alongal ghareta, sikoki me peyragh kka rebwe yaaya nge re allughuw bwe essobw yoor meta kka engaw me ngere ese tooto mereel faluwasch.

**8. Eyoora ssobw ikka wool Tchuliyol iiye aramasal faluw re isaali me ffot meta ye sibwe malaw reel. Efaysul me meta rekki mengi rebwe aghatchuw me isaali schagh milkkal leliyel?**

Ara takkal amwuri ssobw kka rebwe yaaya le ayoora leliyel yaar training wool. Ara fasul umwuur long biologist me archeologist rebwe pipiiy ghatchuw iya igha rebwe yaali nge ressobw angawa alongal meta yaar aramasal faluw yaaya mereel. Nge imwu rebwe aronga ngelir towlap reel siwel kka rekki mengii rebwe feeru.

**9. Efaysul yaar Department of Defense ammwela taa me aghasaghasa llo ssobw kkal ngere ara takkal training?**

Aramasal Range Control mille rebwe amarello me aghasaghasa taa alongal peyragh kka re yaaya. Ebwal yoor mwoghutughutul yaar rebwe aghasaghasa.

- Ngere ara ghal takkal training nge iiye Range Control rebwe piipiiy ghatchuw, ammwela me aghasaghasa ta ssobw imwu re yaaya.
- Mwuril eew (1) raagh nge imwu rebwe bwal atolongor akkaschey aramas rebwe allughu bwe ee ghatch yaar ghal aghasaghas me ammwel. Rebwe bwal aroonga ngelir towlap millel.
- Mwuril eew raagh nge rebwe le ghal bwal alalayi ngeli limwo (5) raagh yaar ghal umwur long aramas kka reghal affata bwe re aghasaghasa me ammwele ghatchuw.

**10. Ileta mille Revised Draft Environmental Impact statement ebwe toowow bwe towlap rebwe bwal ayoora mwaliyer loll?**

Llol maram kka ekki mwetto nge imwu US Marine Corp rebwe piipiy efaysul alongal mwoghutughut ikka rebwe feeru bwe ee aghatchu me ngere angawa faluw ye Tchuliyol. Re mwuschel atakka llo ottimwol raagh ye ruwoow sangaras ruweigh me faawu (2024). Ighal igha towlap rebwe ariyeghi meta re iischi me ayoora mwaliyer reel arongorong kkaal. Imwu rebwe bwal aghuleya ngeliir towlap ileeta me iya igha ebwe llo arongorong yeel iiye me efaysul yaasch sibwe ayoora mwaliyasch me ngere sibwe ischii meta sikke mengii.